

MONTJOVET

L'éve

L'éve dou valèi dé Tsalame cor tranquille,
ma y é dé momèn qué s'enrabie
é vou ahquiapé tot.
Trame lé pére,
stchanque lé piante é tsave lo térèn,
qué mémo sé voulisse,
pouì pa défendre-sé.
L'éve no fèi vivre, ma co pouire.
Lé ou mouentén dé doe grose pére,
na piquioda par pren n atro tsémén
é voyadze didèn lo Ru.
Éve qué traverse totta la montagne
pé vignì arozé lé nohtre courti é lé nohtre pra.
Éve qué ren pieu boun-a la nohra téra.
Téra qué y a manca dé l'éve comèn no minà
n'en manca dé la nohra mamma é dou nohtro pappà,
mémo sé no-z-acorzèn maque can i son pamé.
Éve frétse.
Éve quéra.
Éve qué profume incora dé nèi.
Éve di nohtre montagne.
Can sèi sètà désù lo bor dou Ru é penso ou démàn,
sénsa volé, mé trouvo a deure na piquioda préyire;
« éve, dou mouèn teu, gnin tradi-no jamé ».



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

Orfeo Cout, *Ensembio - Cahier de musique*, Imprimerie Le château, Aoste 2013

Collaborateur de Montjovet : **Orfeo Cout**

La transcription a été soignée par le Guichet Linguistique

Mise à jour de la graphie : octobre 2013